



ԱՔՐԱՀԱՄ ԱԲԵՂԱ ՄԿՐՏՉՅԱՆ

ՍՅՈՒՆՅԱՅ ՄԵՏՐՈՊՈԼԻՏԱԿԱՆ ԱԹՈՌԸ ՕՐԲԵԼՅԱՆՆԵՐԻ ԻՇԽԱՆՈՒԹՅԱՆ ԺԱՄԱՆԱԿ*

1216 թվականին, ինչպես արդեն ասացինք, Աղթամարում եպիսկոպոս էր ձեռնադրվել և Տաթևում ինքնուրույն Աթոռ հաստատել Տեր Հովհաննեսը՝ Ստեփանոս Գ-ի հորեղբորորդին⁷¹, որը Սյունյաց աթոռակալների շարքում Հովհաննես անունով ութերորդ եպիսկոպոսն է։ Ինչպես տեսանք, բաժանումից հետո Սարգիս Ա-ը որպես Ամաղու Նորավանքի վիճակ հաստատել էր միայն Վայոց ձորի, Նախիջևանի ու Ճահուկի թեմերը, իսկ մնացած շուրջ ինը թեմերը գտնվում էին Տաթևի իշխանության ներքո։ Ասացինք նաև, որ տեղական հայ և վրաց իշխողները և Կոնստանդին Բարձրբերդցին վավերացրել էին այս նոր վիճակը, այսպիսով լույսին կերպով ընդունելով նաև Տաթևի անջատված Աթոռի գոյության փաստը, որով և բավարարվում է Հովհաննես Ը-ը և մեկնելով Աղթամարից, հանդես է գալիս որպես «ճանաչում գտած» Աթոռի օրինական ու անկախ աթոռակալ։ Սա հնարավորություն է տալիս Հովհաննեսին ձեռնամուխ լինելու երկրաշարժից ավերված Տաթևի եկեղեցիների վերակառուցմանը։ Սակայն շուտով, 1225 թվականին Ատրպատականից Հալաստան են ներխուժում Զալադդինի գործերը և շուրջ յոթ տարի ավերածություններ գործում⁸⁰։ «...յոր տեղ և իսասաներ՝ աւերէր, գերութիւր, ապականէր ոչ

խնայելով ի մարդ կամ յանասուն»⁸¹,—գրում է պատմիչը։ Զալադդինին կրկնակիս հետևող մոնղոլական հորդաները նախ պարտության են մատնում նրան, ապա սկսում մեկը մյուսի ետևից գրավել Հայաստանի իշխանությունները։ 1236 թվականին գրավվում է և Սյունիքը⁸²։ Այս ասպատակություններն ու նվաճողների հարկային ծանր քաղաքականությունը Հովհաննես եպիսկոպոսին հնարավորություն չեն տալիս ավարտելու Տաթևի վերանորոգումները։

Սակայն շուտով նորից բարելավվում է Սյունիքի քաղաքական վիճակը՝ շնորհիվ Սմբատ Օրբելյանի շրջահայաց ձեռնարկումների։ Նա երկու անգամ՝ 1251 և 1256 թվականներին այցելում է Կարակորում՝ Մանգու խանի մոտ⁸³, և ձեռք բերում «ենջուական» իրավունք, նշանակվելով առանձին միավոր ճանաչված Սյունյաց նահանգի ընդհանուր տիրակալ։ Այնուհետև Սյունիքն իր հարկերը անմիջապես պիտի մուծեր մոնղոլական արքունիքին, չենթարկվելով տեղական տարբեր իշխողների կամայականություններին։ Նա կարողանում է հարկերից ազատել նաև եկեղեցիները։ Վերադառնալով Սյունիք, նա Հովհաննեսին գտնում է ծերացած և ասպարեզից մի կողմ քաշված։ Վերջինս վանքի վերանորոգման աշխատանքները հանձնել էր իր եղբորորդուն՝ Տեր Հայրապետին, որը և «հրամա-

* Ծարուհակված «Էջմիածին» սամազրի 1938 թվականի № 36 Ե—Զ-ից։

⁷¹ Սու. Օրբելյան, էջ 251։

⁸⁰ «Հայ ժող. պատմություն», ՀՍՍՀ ԳԱ, Երևան, 1907, Գ, 1978 թ., էջ 602։

⁸¹ Սու. Օրբելյան, էջ 292։

⁸² «Հայ ժող. պատմություն», Նշվ. նրատարալույթ., էջ 609։

⁸³ Հ. Մանանդյան, Նշվ. աշխատ., էջ 471։

նաւ կնոջ Բաշուին սկսեալ էր շինել զվան-
քըն, և կայր ի նմին աղքատութեամբ. զի
յայնքան ժառանգութեանցն որ լեալ էր, ոչ
տուն մի անգամ ոչ կայր եկեղեցւոյն»⁸¹։
Սմբատի աջակցութեամբ Հովհաննէս եպիս-
կոպոսը շարունակում է Տաթևի վերակա-
ռուցումը և ավարտում Պողոս-Պետրոս ե-
կեղեցուն վերանորոգման աշխատանքները։
Տեր Հովհաննէսի մահիւմ թվականը սխալ
է նշված Օրբելյանի մոտ։ Նախ, գոյություն
ունի հակասություն իր իսկ բերած թվա-
կանների միջև։ Այսպես. մի տեղ գրում է.
«Տեր Յովհաննէս կացեալ ամս 38՝ վախ-
ճանի ի Նորավանս»⁸², իսկ այնուհետև՝
«...և դնի ի գաւթի նորակերտ եկեղեցւոյն
յ700 (-1251) թուականին»⁸³։ Արդ, եթե Հով-
հաննէսը մահացել է 1251 թվականին 38
տարի աթոռակալելուց հետո, ապա աթո-
ռակալել է 1213-ին, երբ դեռ կենդանի էր
Ստեփանոս Գ-ը, որն, ինչպես տեսանք,
մահացել է 1216 թվականին, իսկ Տաթևի
բաժանումը տեղի է ունեցել նրա մահից
հետո, Սարգիս Ա-ի ժամանակ։ Այնուհետև,
մի այլ տեղ, խոսելով խանի մոտից Սմբա-
տի վերադարձի մասին, նշում է. «...ծերա-
ցեալ էր եպիսկոպոսն տէր Յովհաննէս»⁸⁴։
Արդ, Սմբատ Օրբելյանն առաջին անգամ
մոնղոլ խանի մոտ եղել է 1251, իսկ երկրորդ
անգամ՝ 1256 թվականին⁸⁵։ Եթե ընդունելու
լինենք, որ վերնում մեջքերված տողը վե-
րաբերում է նույնիսկ առաջին այցելություն-
ից հետո Սմբատի վերադարձին, ապա
Սմբատը Սյունիք է վերադարձել երեք տա-
րի հետո, ինչպես և գրում է պատմիչը.
«...և յամեաց գամս երեք»⁸⁶։ Այսինքն, նա
Սյունիք է հասել առնվազն 1254 թվակա-
նին։ Հովհաննէս Ը-ի մահիւմ թվականը
ճշտելու համար փորձենք հետադարձ հաշ-
վարկ կատարել։ Օրբելյանն իր «Պատմու-
թյունը» գրել է 1299 թվականին⁸⁷։ Այդ ժա-
մանակ Տաթևի եպիսկոպոսն էր Տեր Հով-
հաննէս Թ-ը՝ աթոռակալած 3 տարի, այ-
սինքն՝ 1297—1299 թվականներին, նրանից
առաջ Տեր Հայրապետն ու Տեր Սողոմոնը
միասին աթոռակալել էին 43 տարի, այ-
սինքն՝ 1254—1297 թվականներին։ Այս

հաշվարկը գալիս է հաստատելու, որ Հով-
հաննէս Ը-ն 1216 թվականից սկսած աթո-
ռակալել է 38 տարի և մահացել է Սմբատի
Կարակորումից վերադառնալուց հետո՝
1254 թվականին։ Նրան հաջորդում է Տեր
Հայրապետը կամ Հայրապետ Ա-ը։

Իսկ Ամաղու Նորավանքում այդ ժամա-
նակ աթոռակալել են Ստեփանոս Դ-ը՝ 20
տարի, և Գրիգոր Զ-ը՝ 1 տարի, որոնց գոր-
ծունեության մասին, դժբախտաբար, ոչինչ
չի պահպանվել ոչ մատենագիրների, և ոչ
էլ հիշատակարանների ու վիմական արձա-
նագրությունների մեջ. իսկ սրանց աթոռա-
կալման թվականներին անդրադարձանք
վերևում։ Ստեփանոս Դ-ի մասին միակ
տեղեկությունը պահպանվել է Օրբելյանի
մոտ, որը և մեջ ենք բերում ամբողջապես.
«Եւ լաջորդէ ի տեղին (Սարգիս Ա-ի) տէր
Ստեփաննոս, որ և սա գնացեալ ւստ մեծ
կաթողիկոսն Հայոց տէր Կոստանդին՝
վերստին հաստատէ զայն ուխտ յաթոռ ե-
պիսկոպոսաց և զթէմն գոր ունէր՝ զՎայոց
ձոր բոլոր և զՆախջաւան և զԾափուկ գա-
ւառովն. և առնու շրջաբերական թուղթ, յո-
րում և էր ահագին նշովիւք փակեալ և ամ-
րացուցեալ, զի զկնի ժամանակսց մի՝ ոք
իշխեսցէ խախտել»⁸⁸։ Նորավանքը որպէս
առանձին աթոռ վերահաստատելու այս
փաստը գալիս է ասելու, որ հակամարտու-
թյունն ու անհանդուրժողականությունը եր-
կու Աթոռների միջև առավել սուր բնույթ էր
կրել։

Իսկ Տեր Գրիգորի անունը միայն մի ան-
գամ է հիշվում Նորավանքի մի նվիրատ-
վական արձանագրության մեջ՝ որպէս ա-
ռաջնորդի⁸⁹։

Հավանաբար ժամանակի քաղաքական
իրավիճակը թույլ չի տվել այս երկու եպիս-
կոպոսներին որևէ քիչ թե շատ աչքի ընկ-
նող դեր կատարել։ Գրիգոր Զ-ին վոխա-
րիմած Սարգիս Բ-ի մասին արդեն տեղե-
կություններ շատ կան, որոնց և կանդրա-
դառնանք հանգամանորեն։

Սարգիս Բ-ը ժամանակակից է Ստ. Օր-
բելյանին, որն ակնառու է եղել նրա ե-
ռանդուն գործունեությանը և մեծ գովես-
տով է պատմում նրա մասին։ Սա Ստեփա-
նոս Գ-ի եղբոր՝ Վահրամ Ծգնավորի որ-
դին էր, «այդ իմաստուն և արդիւնավոր և
վարդապետ ընտիր և բազմաշխատ, որ և
բազում արար արդիւնս ի տանս ի գործս
երևելիս, և զարդարեաց զեկեղեցին պատ-
ռական սպասուք և առաւել հանդիսացոյց
զգերափառ սուրբ մշնաստանն քան զնախ-

⁸¹ Ստ. Օրբելյան, Էջ 302։

⁸² Նույն տեղը, Էջ 252 (Ա. Արքայանական Նո-
րավանքի փոխարեն դրել է Տաթև, միանգամայն
ընկալել տրամաբանությամբ։ Տես «Սյունիքի պատ-
մություն», Էջ 285)։

⁸³ Նույն տեղը։

⁸⁴ Նույն տեղը, Էջ 302։

⁸⁵ «Հայ ժող. պատմություն», հտ.—Գ, նշվ. հրատ.,
Էջ 977։

⁸⁶ Ստ. Օրբելյան, Էջ 300։

⁸⁷ Նույն տեղը, Էջ 370։

⁸⁸ Նույն տեղը, Էջ 264—285։

⁸⁹ Ս. Բարխուդարյան, «Դիվան», հտ.—Գ, Էջ 213։

նիսն իւր»⁹⁰։ Արդեւ ասացինք, որ 1254 և 1256 թվականներին Կարակորում կատարած իր այցելությունների շնորհիվ Սմբատ Նորբայանը կարողացել էր Սյունիքի համար ձևաքերել բավական նպաստավոր պայմաններ։ Այս ժամանակաշրջանին է գուցա դիպում և Սարգիս Բ-ի աթոռակալությունը։ Սրա աթոռակալման առաջին տարիներից իսկ կատարվում են բազմաթիվ նվիրատվություններ Նորավանքի եկեղեցուն (գյուղեր, այգիներ և այլն)։ Սակայն շուտով Սյունյաց թեմը կանգնում է մի նոր պառակտման փաստի առաջ։ Պոռշ Խաղբակյան իշխանը փորձում է իր իշխանության ներքո գտնվող գյուղերն ու եկեղեցիները անջատել Սյունիքի աթոռներից և ստեղծել առանձին եպիսկոպոսություն։ Այս նպատակով նա Երեզակ գավառից Հովհաննես անունով մի հոգևորականի ուղարկում է Բարձրբերդցու մոտ՝ եպիսկոպոս ձեռնադրվելու։ Կոնստանդին Բարձրբերդցին, առանց տեղյակ լինելու Պոռշ իշխանի ու Հովհաննեսի նպատակներից, վերջինիս եպիսկոպոս է ձեռնադրում և ուղարկում Սյունիք։ Հովհաննեսը հաստատվում է Երեզակում և աշխատում առանձին թեմ ստեղծել, պատճառաբանելով, «եթե և այս աթոռ է եպիսկոպոսաց, զի գոն աստ գլխեզմանք հայրապետաց, որք էին պատահմամբ եկեալ վասն ամրութեան բերդին ի ժամանակս եպիսկոպոսացն Սիւնեաց և անդ վախճանեալ։ Եւ ի թիկունս արարեալ յայլազգեացն հազարապետ մի՝ բռնաբար յալիշտակեաց գերեզակ գաւառ»⁹¹։ Սակայն Սմբատի եղբոր՝ Տարսայիճ Օրբելյանի կարգադրությամբ Նորավանքի առաջնորդ Սարգիս եպիսկոպոսն ու Տաթևից Հովհաննես եպիսկոպոսը՝ ճանապարհվում են Կիլիկիա։ Մինչ նրանք տեղ կհասնեն, 1287 թվականին արդեն մահացել էր Կոնստանդին Բարձրբերդցին, և նրան փոխարինել էր Հակոբ Ա Կլայեցին (1268—1286)։ Վերջինս, լսելով կատարվածի մասին, «հրամայե գրել թուղթ և ահագին նզովիւք կտրել ի կենաց գեղկելի Յովհաննէս որ յԵրեզակի. և հրահուան աճիծիւք փակել մի՛ ևս հա-

մարձակիլ ումեք ի հերքումն այնր վիճակին»⁹²։ Նմանապես մեղադրական թուղթ է գրում Պոռշ իշխանին, սպառնալով խոտորճանապարհից ետ չկանգնելու դեպքում նրան նույնպես նզովիլ։ Վերցնելով Հակոբ Կլայեցու այս գրությունները, երկու աթոռակալները շտապում են Սյունիք և նախ ներկայանում են Պոռշին, որը, նկատելով գործի այսպիսի ընթացքը, ստիպված հրաժարվում է իր մտքից և երդմնագիր է տալիս, որ այլևս նման բան չի խորհի։ Այնուհետև Սարգիսն ու Հովհաննեսը շտապում են Երեզակ, ուր և բռնելով ապստամբ աթոռակալին, ցույց են տալիս նզովքի թուղթը, նրան մերկացնում եպիսկոպոսական ու քահանայական հանդերձանքից և որպիսի նզովվածի՝ վտարում եկեղեցուց։ Երեզակի բաժանումը տևել է առնվազն 6 տարի, քանի որ Հովհաննեսը Բարձրբերդցուց պիտի ձեռնադրված լինի ամենաուշը 1267 թվականին, և զահրնկեց է արվել Տարսայիճ Օրբելյանի պահանջով, որը, ըստ Գարեգրն սրբեայս. Հովսեփյանի, Սմբատ Օրբելյանին փոխարինել է 1273 թվականին⁹³։

Սարգիս Բ-ի առաջին շինարարական աշխատանքը լինում է 1261 թվականին Նորավանքի Սուրբ Կարապետ եկեղեցու գավթի կառուցումը, օժանդակությամբ Սմբատ Օրբելյանի։ Երեզակի Հովհաննես եպիսկոպոսի հետ կապված միջադեպից հետո Սարգիս Բ-ը նոր թափով ձեռնամուխ է լինում շինարարական աշխատանքներին։ 1273—1290 թվականների ընթացքում նա կառուցում է Ամաղու Նորավանքի հյուրանոցը, որի կարիքները հոգալու համար ինքն իսկ կատարում է նվիրատվություններ. «...որ զայսոց մուտքն ի հիւրերին պէտքն անցանեն, որ ատարքն եւ կարատեալքն ուտեն. պարոնացն եւ երախտսուորացն սոլաւթ եւ Աստուած ողորմես աւեն»⁹⁴։ Հաջորդ կարևոր շինարարությունը լինում է Նորավանքում Սմբատի դամբարանի կառուցումը 1275 թվականին, Սիրանուս ճարտարապետի կողմից։ Սմբատի դամբարանը կառուցվում է Տարսայիճի պատվերով՝ իր եղբոր՝ Սմբատի գերեզմանի վրա, ուր հետագայում թաղվում է և ինքը՝ Տարսայիճ Օրբելյանը։ Սարգիս Բ-ի կարևոր ձեռնարկումներից է լինում նաև Արփա գետի վրա կամուրջի կառուցումը, որի մասին Ստ. Օրբելյանը պատմում է հետևյալ հիացական խոսքերով. «Այս տեղ

⁹⁰ Ստ. Օրբելյան, էջ 253։

⁹¹ Կույն տեղյ, էջ 268։

⁹² Այս Հովհաննեսին չսխալվելով Հովհաննես Ա-ի հետ, որովհետև նրա աթոռակալման ժամանակաշրջանը չի համապատասխանում Հակոբ կաթողիկոսի զանազան տարիներին։ Սա կամ Հովհաննես Թ-ն է, որն այդ ժամանակ դեռ հունդու էր գալիս որպես փոխամուղ, և կամ էլ Տաթևի թեմերից որևէ մեկի եպիսկոպոսը, ինչպես ենթադրում է Ա. Աբրահամյանը (տես «Սյունիքի պատմություն», էջ 505)։

⁹³ Ստ. Օրբելյան, էջ 269։

⁹⁴ Գարեգին սրբեայս. Հովսեփյան, «Սաղաթիլ»-յանը կամ Պոռշյանք հայոց պատմության մեջ», մասն առաջին, Վաղարշապատ, 1928 թ., էջ 96։

⁹⁵ Ս. Բարխուդարյան, նշվ. աշխ., էջ 246։

Սարգիս, որպէս յառաջն ասացաք, բազում արդիւն ցուցեալ ի 'Նորավանս' ևս առաւել արար գործ մի երևելի, զի ի գիւղն Աոփայ ի վերայ գետոյն կանգնեաց կամորջ զարմանալի տաշածոյ վիմօք՝ յոյժ բարձր և ընդարձակ և լայն, հիացուցիչ տեսողաց, բազում ծախիւք և անչափ աշխատութեամբ»⁹⁹:

Սարգիս Բ-ը մահացել է 1298 թվականին և թաղվել Ամսղու Նորավանքում, ուր և մինչև այժմ մնում է նրա տապանաքարը՝ հետևյալ արձանագրությամբ. «Այս շիրիմ շնորհալիր Սարգսի է, Սիւնեաց եպիսկոպոսի եւ անյաղթ հոգեւորի, թվ. 2862 (1298)»¹⁰⁰:

Այժմ նորից անդրադառնալով Տաթևի բաժանված Աթոռին, շարունակենք այդ Աթոռի պատմության հետագա ընթացքը՝ մինչև Ստեփանոս Օրբելյան:

Ինչպէս արդեն ասացինք, 1254 թվականին Հովհաննէս Ը-ին հաջորդում է Հայրապետ Ա-ը, որը հաջորդ աթոռակալ էր՝ զնանակվել դեռևս Հովհաննէսի կենդանության օրոք և ջանադրաբար օգնում էր իր ծերացած հորեղբորը՝ Տաթևի վերանորոգման աշխատանքները կատարելուն¹⁰¹: Հովհաննէսի մահից հետո Հայրապետը Սմբատ և Տարսայիճ Օրբելյանների աջակցությամբ կարողանում է ավարտել Պողոս-Պետրոս եկեղեցու խարխված պատերի վերանորոգումը: Այս կարևոր շինարարության ավարտման մասին որևէ արձանագրություն չի պահպանվել: Օրբելյանը այս մասին գրում է հետևյալը. «Իսկ Տաթևացիքն շինեցին զվանքն, որ ի բազում (ամաց հետև) աւեր եւ ամայի մնացեալ էր և փաթամացուցին ամենայն պիտոյիքն մեծ և փառաւորեալ իշխանաց իշխանացն Սմբատ և Տարսայիճ»¹⁰²: Միայն 1274 թվականին Տարսայիճ Օրբելյանի կողմից նույն եկեղեցու պատին փորագրված նվիրատվական արձանագրությունից կարելի է եզրակացնել, որ այդ ժամանակ եկեղեցու վերանորոգումը արդեն ավարտվել էր¹⁰³: Եկեղեցու վերանորոգման ժամանակ, ի դեպ, հայտնաբերվում է փլատակների տակ ծածկված մի գաղտնարանի մուտքը, որտեղից ի հայտ են գալիս «...մթերս անհուն սրբութեանց և զխարաց առաքելական, հայրապետական և մարտիրոսական, յո-

րում կայր և աստուածընկալ խաչն Բարգանեան»¹⁰⁴:

Հայրապետ Ա-ի կարևոր ձեռնարկումներից է լինում Տաթևում կրթական գործի կազմակերպումը: Հավանաբար նույն Հայրապետ եպիսկոպոսն էր այնտեղ դասավանդող ուսուցիչներից մեկը, որի մոտ և սովորելու է ուղարկվում Ստեփանոս Օրբելյանը: Այն, որ այդ ժամանակ Տաթևում դպրոց է գոյություն ունեցել, որոշակիորեն երևում է Ստ. Օրբելյանի հետևյալ տողերից. «...իսկ հոգևոր ծննդեամբ սուրբ անգամին որդիացեալ տեսուն Հայրապետի՝ եպիսկոպոսի Սիւնեաց. սնեալ և ուսեալ առ ոտս աստուածաբեալ արանց. կրթեալ ի հրահանգս ընթերցման և երաժշտութեան՝ եղէ փառաւոր և անգամոս ի գալիս Տեսուրն, կոչեցալ ի դպրութիւն և ի սարկաւազութիւն Աստուծոյ»¹⁰⁵: Նույն գրքից քաղված մի այլ վկայություն գալիս է լրացնելու և հաստատելու, որ Տաթևում այդ ժամանակ իսկապէս դպրոց է գոյություն ունեցել: Խոսելով Սմբատ Օրբելյանի գործունեության մասին, Օրբելյանը գրում է. «Բայց Սմբատ անգամակ գոյով՝ առեալ զմի յորդոց երթօրն Տարսայիճին և որդիացուցեալ ինքեան՝ տալ յուսումն գրոց և ի հրահանգս քահանայութեան»¹⁰⁶: Օրբելյանի այս երկու հիշատակությունները, ինչպէս երևում է, որոշակիորեն լրացնում են միմյանց: Եթե առաջինում հայտնում է, որ ինքը հանձնարարվել է Հայրապետի խնամքին և տարիներ հետո հոգևոր կոչումներ ստացել, ապա երկրորդում հայտնում է, որ իր հորեղբայրը՝ Սմբատը, իրեն տալիս է «յուսումն գրոց»: Դժբախտաբար, ուրիշ որևէ հիշատակություն չունենք այդ ժամանակ Տաթևի դպրոցի վերաբերյալ, սակայն Ստ. Օրբելյանի այս վկայությունները ժխտել կամ անտեսել հնարավոր չէ և կարող ենք վրստահորեն ասել, որ Սյունիքում Սմբատ Օրբելյանի ձեռք բերած քաղաքական բարեփոխում փնակը հնարավորություն է տալիս այստեղ կրոնական ու մշակութային նոր վերազարթոնքի: Այն փաստը, որ Տաթևում մինչ Սմբատ իշխանի մահը՝ 1273 թվականը¹⁰⁷, տեղի Հայրապետ եպիսկոպոսի գլխավորությամբ գործել է դպրոց և Օրբելյանն այդտեղ սովորել է մատենագրություն, կրոնական գրականություն և հ-

⁹⁹ Ստ. Օրբելյան, էջ 312—314:

¹⁰⁰ Ս. Բարխուդարյան, Նշվ. աշխատ., էջ 281:

¹⁰¹ Ստ. Օրբելյան, էջ 258:

¹⁰² Նույն տեղը:

¹⁰³ Ս. Բարխուդարյան, «Դիվան», հտ.—Գ, էջ 15—16:

¹⁰⁴ Ստ. Օրբելյան, էջ 318:

¹⁰⁵ Նույն տեղը, էջ 349:

¹⁰⁶ Նույն տեղը, էջ 307:

¹⁰⁷ Ս. Բարխուդարյան, «Դիվան», հտ.—Գ, էջ 115:

րաւժշտութիւնը¹⁰⁴, վկայում են այդ դպրոցի որոշակի մակարդակի մասին:

Տեր Հայրապետի ժամանակ Տաթևի Աթոռին հիշվում է և մի այլ եպիսկոպոս՝ Տէր Սողոմոն անունով, որի մասին Օրբելյանը երկու թուղիկ տեղեկություն ունի.

1) «Եւ առնու զաթոռն եղբորորդի մորին տէր Հայրապետ և միւս ազգականն տէր Սողոմոն»¹⁰⁵:

2) «Իսկ Տաթևացիքն շինեցին զվանքն... և ինքեանք կեցեալ ի միասին՝ նախ վախճանի տէր Սողոմոն անդէն, և ապա տէր Հայրապետ»¹⁰⁶:

Տաթևում երկու եպիսկոպոսների միաժամանակյա աթոռակալությունը, ինչպես արդեն նկատեցինք, բնական երևույթ էր դարձել: Այդ երկու եպիսկոպոսներից մեկը հանդես էր գալիս առաջնորդի, իսկ մյուսը՝ փոխառնորդի կամ տեղապահի դերում: Վերջինս սովորաբար հաջորդ առաջնորդն էր դառնում: Սողոմոն եպիսկոպոսի անվանը մի անգամ ևս հանդիպում ենք Օրբելյանի նշած Տաթևի եպիսկոպոսների ցուցակում, ուր հիշվում է և Սողոմոնը՝ Հայրապետի հետ միասին աթոռակալած 20 տարի¹⁰⁷:

Ավարտելով Տաթևի Պողոս-Պետրոս եկեղեցու վերանորոգումը, Հայրապետ Ա-ը «...ենտ բազում ատուրց ծերական ալեօք եպիսկոպոսն բարեբարոյ՝ տէր Հայրապետ, յաղթեալ ի սիրոյ Տեառն իւրոյ՝ զնաց ի տէսութիւն աստուածակոխ տեղացն Երուսաղէմի»¹⁰⁸: Իր ուխտագնացությունն ավարտելուց հետո սակայն, Հայրապետը ոչ թե անմիջապէս վերադառնում է Տաթև, այլ նախ այցելում է Կիլիկիա՝ Լևոն Գ-ի (1270—1289): Օրմանյանն այս այցելությունը դնում է 1282 թվականին, հայ-հօգիատական հաշտությունից հետո, երբ այնուհետև Լևոն Գ-ը իր հայացքն ուղղում է Հայաստան և աշխատում կապեր ստեղծել Հայաստանում գոյություն ունեցող իշխանությունների, հատկապէս դրանցից սմենախզորի՝ Սյունիքի իշխանության հետ, հետևի որ նպատակ ունենալով Կիլիկիայի թագավորությունը Հայաստանի վրա ևս տարածելու համար, հատկապէս, որ մոնղոլական պետության ներսում այդ ժամանակ ծայր էին առել ներքին ընդհարումները¹⁰⁹: Հավանաբար, Հայրապետ Ա-ը տեղյակ էր Լևոնի այս մտադրությանը և այս պատճառով էլ ուղևորվում է Կիլիկիա: Լե-

վոնը Տաթևի ուխտին Լ ընծայում «...զգետս սեղանոյն յարթունական մետաքսից գրիզանդացին, որ ի Յունաց ճարտարացն անման կիտուածօք, և խաչ պատուական ի սպիտակաւիայլ և սառնատեսակ քարաց համակ կերպացեալ և պնդեալ յոսկում, և սկիք պատուականք յ զուտ արծաթոյ և ալ բազում պարզես...»¹¹⁰: Լևոն Գ-ը նաև չափածո մի հիշատակարանով հայտնում է Տաթևի ուխտին իր միաբանվելու մասին և Հայրապետի հետ ուղարկում Սյունիք: Այդ չափածո գրվածքում թագավորն իր այս քայլի նպատակն արտահայտել է հետևյալ սեղմ ու բազմիմաստ տողով. «Որպէս զի հաղորդ եղէց ի նմանէ ամենից որ աստ բարութեան»¹¹¹: Վերադառնալով Տաթև, Հայրապետը Զատիկի Հարության բոլոր պատարագները կարգում է որպէս «յիշատակ մնա, որ կատարեն զպատարագն յամենայն եկեղեցիս անխափան մինչ ի վախճան»¹¹²:

Տեր Հայրապետի քացակալության ժամանակ Տաթևի Աթոռն զբաղեցնում էր Տեո Սողոմոնը, սակայն Կիլիկիայից Հայրապետի վերադառնալուց հետո Սողոմոնի փոխարեն հիշվում է Հովհաննէս եպիսկոպոսը: Պետք է ենթադրել, որ այդ ընթացքում Սողոմոնը մահացել էր՝ 20 տարի տեղապահի պաշտոն վարելով, և նրան այդ գործում փոխարինել էր Հովհաննէսը, որը Հայրապետի մահից հետո նշանակվում է հաջորդ աթոռակալ: Այս Հովհաննէսը ընդունված է որպէս Հովհաննէս Թ:

Հայրապետ Ա-ի մահվան տարին Ա. Արարահայանը համարում է 1292 թվականը¹¹³, որը, սակայն, ճիշտ չէ: Նախ, վերևում ստորեն ցույց տվեցինք Սյունյաց Աթոռների աթոռակալների գործունեության թվականները: Այն, որ Հայրապետը չի մահացել 1292 թվականին, որոշակիորեն երևում է տեր Հովհաննէսի թողած հետևյալ արձանագրությունից. «Յամի յորում էր թվ. ՉԽԿ (1294) ես Տէր Յոհաննէս կաման Աստուծոյ եւ աղաթիւք հոգեւոր հաւր իմո Տէր Հայրապետա տարա զջուրս Վարարական ի Վարդուտն...»¹¹⁴: Ինչպէս տեսնում ենք, 1294 թվականին Հայրապետը դեռևս կենդանի էր, քանի որ մահացածի համար չէր գրվի, «աղաթիւք հոգեւոր հաւր իմո»: Այս բոլորից բացի, պետք է նկատի ունենալ, որ եթե Օրբելյանն իր աշխատությունն ա-

¹⁰⁴ Սյունիքի պատմություն, էջ 7:

¹⁰⁵ Ստ. Օրբելյան, էջ 252:

¹⁰⁶ Նույն տեղը, էջ 253:

¹⁰⁷ Սյունիքի պատմություն, էջ 386:

¹⁰⁸ Ստ. Օրբելյան, էջ 318:

¹⁰⁹ Մ. Օրմանյան, Նշվ. աշխատ., հտ.—Բ, էջ 1690:

¹¹⁴ Ստ. Օրբելյան, էջ 313:

¹¹⁵ Նույն տեղը:

¹¹⁶ Նույն տեղը, էջ 319:

¹¹⁷ Սյունիքի պատմություն, էջ 495:

¹¹⁸ Ս. Բարխուդարյան, Նշվ. աշխատ., հտ.—Բ, էջ 78:

վարտել է 1299 թվականին և գրում է, որ այդ ժամանակ Հովհաննեսը պթողակալ է երեք տարի, ապա պարզապես անհիմաւո կլինէր չհավատալ կամ կասկածի տակ առնել այս վկայությունը:

Այս բոլորով հանդերձ, պիտի նշենք նաև Հայրապետի ցույց տված ընդդիմությունը Ստ. Օրբելյանի՝ Սյունյաց երկու Աթոռները հոգևոր մեկ իշխանության ներքո միավորելուն: Այս մասին կխոսենք Ստեփանոս Օրբելյանի գործունեությանն անդրադառնալիս:

Տեր Հայրապետին հաջորդում է Հովհաննես Թ-ը, որն է՛լ ավելի թշնամական դիրք է բռնում Ստեփանոս Օրբելյանի նպատակների հանդեպ: Ինչպես երևում է, սա քավական նեղություններ է պատճառել Օրբելյանին: Այսպես մտածելու պատճառն այն է, որ Հովհաննես Թ-ի մասին պատմիչը գրեթե ոչինչ չի ասում, այլ միայն մի քանի տեղ տալիս է նրա անունը, իսկ մահվան մասին խոսելիս (մահացել է 1299 թվականին), հակիրճ ձևով գրում է. «Եւ զի առ կենօք տորին էր ձեռնադրեալ եղբօրորդի

նորա՝ Յովհաննէս անուն, յետ տորա կենալ քաւում հակառակութեամբ ամա երեք՝ վախճանի և դսի ընդ հօրեղբօր յորում տէր Հայրապետի»¹¹⁹:

Սյունիքի միացյալ Աթոռների վրա Ստեփանոս Օրբելյանի մետրոպոլիտ նշանակվելուց հետո Տաթևի ու Նորավանքի միջև գծությունները աստիճանաբար դադարում են: Օրբելյանից սկսած, երբ այդ երկու Աթոռների եպիսկոպոսները հանդես են գալիս Սյունիքի մետրոպոլիտի ընդհանուր իշխանության ներքո, նրանք աստիճանաբար գրավում են երկրորդական տեղ և Սյունիքի կրոնական ու քաղաքական կյանքում սկսում են հանդես գալ Սյունյաց մետրոպոլիտները, որոնց կեցվածքը որևէ հարցի նկատմամբ հաճախ վճռորոշ է լինում ոչ միայն Սյունիքի ներքին կրոնական ու քաղաքական կյանքում, այլև ընդհանրապես Հայաստանում ու Կիլիկիայում:

(Ծարունակելի)

¹¹⁹ Ստ. Օրբելյան, էջ 253:

